

~ Gazel ~

*Nev-bahâr oldu yine şeydâ olup ırmağlar
Kanlı yaşım gibi zencîrin sürüyüp çağlar*

*Goncelerdir yâreler âhım nesîm-i nev-bahâr
Gül gibi gönlüm açarlar tâze tâze dâğlar*

*Serv-i âzâdım koyup seyr-i gülistân eylesem
Bâğlar zindân olup zencîr olur ırmağlar*

*Hasret-i Şîrîn ile Ferhâd bir âh etdi kim
Yakdı bağrın lâleler gögsün geçirdi dağlar*

*Ey perî mecnûn olurdu aşk ile şeydâ olup
Gönlümün dîvânesin zencîr-i zülfün bağlar*

*Tûtî-i gûyâ kafesde habbeye muhtâc olup
Şekkerin bakmaz yüzüne öyle doymuş zâğlar*

*Şem'iyâ zülfü ucundan hâk olan miskîn için
Karalar giymiş saçın çözmüş bulutlar ağlar*